

STATUTI
I SHOQËRISË ME PËRGJEGJËSI TE KUFIZUAR
“digiWEB” sh.p.k

KAPITULLI I
FORMA,EMËRTIMI,OBJEKTI,SELIA,KOHËZGJATJA

Neni 1 – Forma

- 1.1 Shoqëria “DigiWEB” (në vijim shoqëria) krijohet në formën e një Shoqërie me Përgjegjësi të Kufizuar,dhe veprimtaria e saj rregullohet me anë te këtij Statuti dhe Akti të Themelimit dhe në bazë të ligjit Nr 9901 datë 14.04.2008 “Për tregtarët dhe Shoqëritë Tregtare” dhe ligjit 9723 datë 03.05.2007 “Për Qendrën Kombëtare të Rregjistrimit”
- 1.2 Shoqëria vepron sipas legjislacionit në fuqi.
- 1.3 Akti i Themelimit dhe Statuti janë në përputhje me legjislacionin shqiptar që ka karakter të detyrueshëm,ndërsa çështjet që nuk janë parashikuar në to,plotësohen nga legjislacioni shqiptar.

Neni 2 – Emërtimi


- 2.1 Emërtimi i Shoqërisë është “DigiWEB”.

Neni 3 – Objekti i Shoqërisë

- 3.1 Shoqëria ka për objekt të saj :
 - Ndërtim Software
 - Mirëmbajtje dhe menaxhim hardware, serverash dhe rrjeti.
 - Shitje-blerje hardware

Neni 4 – Selia

- 4.1 Selia e shoqërisë është në “Rruga *Fadil Rada, shk.4, ap.2 pas ATSH, ZK.8150, Nr,pasurie 6/544+4-2 vol.6 Tiranë*”;
- 4.2 Veprimtaria e saj do të shtrihet në të gjithë territorin e Republikës së Shqipërisë si dhe jashtë shtetit.Shoqëria me vendim të ortakëve ka të drejtë te krijojë brenda dhe jashtë vendit degë,zyra përfaqësimi.



Neni 5 – Kohëzgjatja e veprimtarisë

- 5.1 Kohëzgjatja e veprimtarisë së Shoqërisë do të jetë për një afat të pacaktuar.
- 5.2 Shoqëria mund të priset përpara këtij afati ose mund të zgjasë kohëzgjatjen e saj me vendim të ortakëve të saj.

KAPITULLI II

KAPITALI THEMELTAR, KONTRIBUTET, NDARJA E PJESËVE TË KAPITALIT

Neni 6 – Kapitali themeltar

- 6.1 Kapitali themeltar i shoqërisë është 200 000 (dyqindmijë) lekë
- 6.2 Kapitali themeltar i shoqërisë përbëhet nga 1 kuote, e gjitha e nënshkuara dhe e shlyera, me vlerë nominale 200.000 lekë.

Neni 7 – Kontributet dhe pjesët e kapitalit

- 7.1 Kontributet në kapitalin e shoqërisë janë ofruar nga **Z.Visar Mato** i lindur në Delvinë (Sarandë), mbajtës dhe i identifikuar prej kartës së identitetit me nr. 036567821 dhe nr Personal H90511108S, madhor me zotësi të plotë juridike.
- 7.2 Sipas kontributit të mësipërm ortakëve u përkasin respektivisht:
 - 1 kuota **Z.Visar Mato** 2000.000 (dyqind mije) lekë ose 100% të kapitalit.

Neni 8 – Rritja e kapitalit

- 8.1 Kapitali mund të rritet pa kufi në cdo moment, me vendim Asambleje të pronarëve.

Neni 9 – Transferimi i pjesëve të kapitalit

- 9.1 Pjesët e kapitalit në Shoqëri mund të fitohen apo kalohen nëpërmjet:
 - a) Kontributit në kapitalin e kompanisë
 - b) Shitblerjes
 - c) Trashigimisë
 - d) Dhurimit
 - e) Cdo mënyrë tjetër parashikuar në ligj



- 9.2 Pjesët e kapitalit themltar janë lirisht te transferueshme nëpërmjet ortakev pëe sa nuk parashikohet ndryshe në statut.
- 9.3 Transferimi i pjesëve të kapitalit Themeltar gjithmone duhet te vërtetohet me Akt Noterial.
- 9.4 Shoqëria vepron në regjimin e pronës private dhe merr përsipër të drejta dhe detyrime vetëm në kufirin e kapitalit të saj.Ortakët themlues mbartin rrezikun e veprimtarise se Shoqërisë vetëm në nivelin e kapitalit të investuar në Shoqëeri.

KAPITULLI III
TË DREJTAT DHE DETYRIMET
MARRJA E VENDIMEVE
ADMINISTRIMI, KOMPETENCAT DHE KONTROLLI I SHOQËRISË

Neni 10 – Marrja e vendimeve

- 10.1 Të gjitha vendimet do të merren nga asambleja e oratkëve.
- Trasferimi i Shoqërise në një formë tjetër bëhet me vendim të Ortakëve, kur plotësohen kushte për krijimin e shoqërive të tjera.
- 10.2 Ortaket e Shoqërisë kanë të drejtë të rrisin dhe të zvogelojnë kapitalin themeltar,të ndryshojne emertimin e shoqërise,të ndryshojne seline e saj si dhe të hapin filiale,zyra,degë,përfaqesi brenda dhe jashtë vendit,të shesë pjesërisht ose tërësisht pjesët e tij në shoqëri ndaj të tretëve, të emërojë dhe të shkarkojë administratorin,ekspertin kontabël,likuidatorin,të pakesoje ose zgjerojë objektivine e aktivitetit te shoqërisë, të marrë pjesë në shoqëri të tjera duke bashkuar kapitalin,të beje ndryshime dhe plotësime në statitin dhe aktin e themelimit të shoërisë.

Neni 11 –Administrimi

- 11.1 Administratori i shoqërisë caktohet Z. Visar Mato.
- 11.2 Administratori ka të gjitha kopetencat për të kryer veprimet e administrimit në interes të shoqërisë dhe në emër të saj, nëpërmjet kompetencave qe i jane percaktuar në kete statut. Administratori emerohet dhe shkarkohet me miratimin e asamblesë së ortakëvë.
- 11.3 Administratori është përgjegjës individualisht ose solidarisht, sipas rastit, ndaj shoqërisë apo të tretëve, për shkelje të ligjeve, dispozitave të këtij statuti apo për faje gjatë administrimitte shoqërisë.
- 11.4 Administratori mund te emeroje përfaqësues të posacëm për veprime apo kategori të caktuara veprimesh.



Neni 12 – Kompetencat

12.1 Të sigurojë drejtimin e mirë të shoqërisë, të administrojë pasurinë e Shoqërisë, të përfaqësojë Shoqërinë në marrdhëniet me të tretët, të përfaqësojë Shoqërinë para organeve gjyqësore ose autorizon persona të tjerë kompetentë, të kryejë veprime në emër dhe për llogari të shoqërisë me të tretët si: lidh kontrata, kryen veprime të ndryshme bankare, doganore, tregtare e financiare, të punësojë dhe pushojë nga puna personelin që do të zgjidhet nga ai.

12.2 Të realizojë çdo veprimtari tjetër kontraktore ose jashtëkontraktore që është në interes të shoqërisë.

12.3 Të kerkojë t'i jepen të gjitha informatat që kanë të bëjnë me gjindjen tregtare të shoqërisë si dhe të gjitha dokumentet e shoqërisë, si bilanci, llogaritë ekonomike etj.

Neni 13 – Detyrimet

13.1 Të marrë pjesë në administrimin e shoqërisë nëpërmjet organeve të krijuara ose nëpërmjet përfaqësuesve që krijon ai.

13.2 Të kryejë shërbimet e nevojshme për arritjet e shoqërisë dhe realizimin e funksioneve të saj.

Neni 14 – Kontrolli i Shoqërisë

14.1 Në rast se kërkohet nga ligji, kontrolli i shoqërisë kryet nga një ekspert kontabël i cili emërohet dhe shkarkohet nga Administratori.

KAPITULLI IV

VITI FINANCIAR, BILANCI VJETOR, SHPËRNDARJA E FITIMEVE

Neni 15 – Viti financiar dhe bilanci vjetor

15.1 Viti financiar fillon me 1 Janar dhe mbaron me 31 Dhjetor të secilit vit.

15.2 Viti i parë financiar fillon në datën e regjistrimit të shoqërisë në Regjistrin Tregtarë dhe përfundon në 31 Dhjetor të të njëjtit vit.

15.3 Llogaritë vjetore, inventari, raporti mbi veprimtarinë e vitit financiar të hartuara nga administratori, nga eksperti kontabël i autorizuar miratohet nga asambleja e ortakeve.

Neni 16 – Fitimet

16.1 Fitimet neto të realizuara nga veprimtaria e shoqërisë mbasi zbriten të gjitha shpenzimet e kryera, asambleja e ortakeve vendos për qëllimin e përdorimit si: për investim, nxitjen ekonomike, reklama tregtare etj.



16.2 Fitimi i realizuar u takon themeluesve të cilët lirshëm disponojnë dhe e ndajnë në përpjestim me aksionet tyre.

16.3 Themeluesit kanë të drejtë që në tërësi ta tërheqin fitimin e realizuar, si dhe në tërësi apo pjesërisht ta riinvestojnë gjerësisht të bëjë dakapitalizimin në shoqëri pas përfundimit të vitit financiar.

16.3 Detyrimet që mund të lindin gjatë veprimtarisë së shoqërisë ajo i mbulon nga kapitali themeltar.

KAPITULLI V

PUNËSIMET NË SHOQËRI

Neni 17

17.1 Për punonjësit që do të punësohen marrdhëniet juridike midis shoqërisë dhe të punësuarve do të rregullohen nëpërmjet kontratës së punës në përputhje me dispozitat ligjore në fuqi.

17.2 Shoqëria merr përsipër të derdhë rregullisht detyrimet, gjithashtu dhe kontributet për sigurimin e të punësuarve të saj në organet kompetente përkatëse në përputhje me dispozitat ligjore në fuqi.

KAPITULLI VI

SHPËRBËRJA DHE LIKUJDIMI I SHOQËRISË

Neni 18 - Prishja

18.1 Shoqëria priset para kohe kur:

- Aktiviteti ekonomik i saj për disa vjet rradhazi është me humbje.
- Për arsye të parashikuara me ligj
- Në cdo rast tjetër me vendim të asamblesë së ortakëve

18.2 Shoqëria priset me përfundimin e afatit të parashikuar nga statuti ose përpara përfundimit në rastet e parashikuara nga ligji ose me anë të një vendimi të asamblesë të ortakëve, me shumicën e kërkuar për ndryshimet në statut.

18.3 Shoqëria nuk priset në rastin e humbjes së zotësisë për të vepruar, pazotësisë juridike, vdekjes, ose falimentit të ortakëve.

Neni 19 – Likuidimi

19.1 Në rast prishje shoqëria duhet të likidohet.



- 19.2 Shoqëria hyn në procesin e likidimit që në momentin e marrjes së vendimit për prishjen e saj.Për kryerjen e këtij procesi asambleja e ortakëve emëron likuidatorin,I cili paraqet raportin mbi gjëndjen e aktivitetit dhe pasivitetin e shoqërisë.
- 19.3 Me përfundimin e procedurës së likidimit asambleja e ortakëve do vendose mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likidimit.

KAPITULLI VII

KUSHTE TETJERA

Neni 20 – Zgjidhja e mosmarrveshjeve

- 20.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statute dhe aktit të themelimit,do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.
- 20.2 Në rast se nuk arrihet në një zgjidhje miqësore të mosmarrëveshjes,ato do t'i besohen Gjykatës së Rrethit Gjyqësor.

Neni 21 – Përfundimi

- 21.1 Përsa nuk është parashikuar në këtë statut në lidhje me kompetencat,të drejtave dhe detyrimeve të ortakëve,të gjitha kushtet e tjera do të bazohen në ligjin Nr 9901 datë 14.04.2008 “Për tregtarët dhe shoqëritë tregtare” dhe ligjit 9723 03.05.2007 “Për Qendrën Kombëtare të Rregjistrimit”.

Ky Statut pasi u lexua,u kuptua dhe u gjet konform vullnetit të ortakut themelues, nënshkruhet prej ortakut me vullnet të lirë dhe të plotë.

ORTAKET:

VISAR MATO

15.04.2021

